

۲۵ ذی الحجه ۱۳۳۰

پنجشنبه

۲۲ تشرین ثانی ۱۳۲۸

نومرو ۱۱ — ۲۴

نسخه سی ۲۰ پاره در

جریده

امور اداره و تحریریه و اعلانات و سائرہ ایچون مدبر
مسئولہ مراجعت ابدالمبدر .

آبونہ سی بر سنہ ک اعتباریلہ ممالک عثمانیہ ایچون
۱۶ و ممالک اجنئیہ ایچون ۲۰ غروشددر .

عرفای امتک مقالات متصوفانہ لرینہ جریدہ
صوفیہ نک حیفہ لری آجبقدر .

شمذیلک اون بش کونده بر نشر اولنور
عمل اداره باب عالی جوارنده ابوالسمود جاده سنده
نیم استقبال مطبعہ سی

تصوفی ، دینی اخلاقی ، جریدہ اسلامیہ در

اقتضاسنه کوره انسان طور اولده (عالم ارواح) الست بر بکم خطاب عزتسه مظهر اولدقده یلی ونم قابلیت و استعدادیه طریق تنزله سلوک ایدوب موالید ثلاثه (جادات ، نباتات ، حیوانات) طرفندن طور ثانییه نازل اولور بوراده [انا خالقنا الانسان من نطفة امشاج نبتلیه فجعلناه سمیماً بصیراً انا هدیناه السبیل اماشاکراً واما کفوراً] آیت کریمه لربک تجلیاتسه مظهر در. انسان بو طور ثابده [وان ایس للانسان الا ماسی وان سمیه سوف یری] آیت کریمه لربک حکمتجه امتحان اولدقندن طور ثالثه ترقی ایده بیامک ایچون تقدیر آتینک بخش اتمش اولدینی اراده جزئییه سنک حسن استعمالی نظر دقته النسی ایجاب ایدر. سمع و بصیری و سائر سبل حیاتی طریق مشروع شکرده استعماله سی ایدر سه طور ثالثه ترقی ایدر که ایمان ایله عمل صالحک اجر غیر ممنونی و مکافات امتحانییه سی درجه تکمیلدر. قوای حسییه سی طریق نامشروعده استعمال ایله کفران نعمت ایدر سه اسفل سافلین طبیعت حیوانیه سی ترقی سی مانع اولور.

انسان عاقله لازم و واجب اولان [واذا انعمنا علی الانسان اعرض و أنابجانبه و اذا مسه الشرکان شوبساً قل کل یعمل علی شاء کانه فربکم اعلم بمن هو اهدا سبیلاً] آیت کریمه سنده اشارت بیوریان افمالدن احوالی رضای باری به توفیقه سی ایتمکدر و بو وسیله ایله مرتبه کاله واصل اولمقددر.

انسان شو عالم شهود و جمیع اینده طبیعت حیوانیه سی درکه سفایتدن درجه علویه اصعاده مأمور و مکلف بر مخلوق اشرفدر حضرت امام علی کرمه وجهه و رضی الله عنه افندمک شو [دواءک فیک و ماتشمر ، و دواءک منک و ماتبصر ، و انت کتاب المبین الذی ، باحرفه یظهر المفجر . و زعم انک جرم صغیر . و فیک النطوی عالم الاکبر . فلاحاجة لک من خارج . و فیک فیک و ماتفکر . و تنظر فی الکتب کی تستفید . و عنک مصنفها یخبر .] منظومه بیغیه سی انسان کامل علویت قدری پک کوزل شرح و بیان ایلر حضرت مولانا قدس سره الاعلا افندیمز فاتحه مشویلریده اون سکر بیتله اطوار انسانییه بی تفصیلاً بیان بیورمش اولدقندن قارئین کرامه و قتیله مطالعه سی توصیه ایدر که شوراجقده بشنو از نی چون حکایت میکند . از جدا بها شکایت میکند . بیت شریفنده کی نای دن مراد انسان کامل اولدینی برآز شرح و بیان و قارئین کرامه تقدیم ایدرز .

نایک انسان کامله وجه شبه و مناسبتی برقاج وجهه در اولان انسان کاملده هر بجلی قدرت حقدر اولدینی کبی نعمه نایده نایزک دمنه محتاج اولدینی ثانیاً انسان کامل فنا فی الله مرتبه سنده مسوادن تجرد ابتدیی کبی نایکده نهی درون اولمی ثالثاً انسان کامل عشق و محبت حقله منور القلب و نورانی الوجه اولدینی کبی نایکده رخ زرد اولمی رابعاً نایک سینه سنده یدی پرده اولدینی کبی انسان

کاملک حسیات دماغیه سنده بصر بصیرت سمع حقیقت ذوق محبت اه و بوی عرفانی شم ایچون یدی سوراخ یعنی ایکی کوز ایکی قولاق برقم ایکی بورون واسطه ماده و ظاهریه سیله حسیات معنویه به انتقال ایتسی خامسا انسان کامل « سرز هوا ناقتن از سرور بست . ترک هو اقوت پیغمبر بست » مفاد نجه هوسات نفسانیه دن اغراض و قوه قدسیه و استعداد و قابلیت ازلیه سیله امانت الهیه بی متحمل بولنسی .

« موتوا قبل ان تموتوا . تخلقوا باخلاقاه و التصفوا بصفاتاه » اوامر شریفه سنه مظهر اولان انسان کامل طور اولدن طور ثانییه اولاً بالطبع واقع اولان سیر نزولی بی فرق ایدنجه طور ثالثه مکلف اولدینی سیر عروجیه بدأ ایدر [و اعد ربک حتی یأتیک الیقین] امر جلیل ربانییه سنک تجلیاتسه مظهر اولنجه به قدر اراده جزئییه سی صرف ایدر مبدائی بیله کدنصرکه مفاد فی ده فرق ایدر موت اختیاری ایله یقین استحصال ایده مزده حال طبیعی بی بکرسه موت اضطراری اویقینی بالطبع کتیره جک فقط چه فائده [من کان فی هذه اعمی و هو فی الاخره اعمی] محله خاموشانده سنک مزار لسان حال ایله (اه من الموت) تحسینی کویا اولمده دن موت اختیاری ایله ثولنر مزار موجودیت و هویتلرینه (هو الباقی) اشارتی فید قاب سلیمانی مرآت تامه و مظهر کل اتمکله حقیقت محمدیه به عارف اولانر مظهر قرب فرائض و قرب نوافل اوله کلدکارندن توحید افعال توحید صفات توحید ذات درجاندن مرتبه فنا فی الله بالترقی [اعطی کل شیء خلقه] مصداق نجه بحر وجوب ایله بحر امکان اره سنده حجاب حاجز و برزخ اولور له بشنو توزنی جها جها میگوید . اسرار نهفت کربا میگوید . رخ زرد و درون تهی و سرداده بیباد . بی نطق و زبان خدا میگوید .

[یوم لا ینفع مال ولا بنون الا من اتاه بقلب سلیم] واه بقول الحق و هو یدی السبیل

محمد شمس الدین

فتوحات اسلامیه

ما بعد

اهل ارندادک بر قسمی جناب پیغمبرک حال حیاتسنده ، بر قسمی ده از تحالندن صوکر پیدا اولمشدی . بونلردن برنجی قسمی تشکیل ایدنلر (یمن) له (یمامة) ده (بنی آسد و غطفان) آراسنده دعوا ی نبوته قالفیشان (اسود العنسی) (مسیلمة الکذاب) (طلحه بن خویلد الاسدی) ایله تابعلری ایدی .

بر عقلی [*] بیله منع ایله به جک اولور لر سه اونرله حرب ایتمکدن کری طورمام . جوانی و بری-ور و عمرالف-اروق ابو عبیده بن الجراح ، سالم مولی حذیفه و سائرۃ کبی کبار صحابه دن : — قلبری تألیف ایچین رفیق ایله معامله ایت . چونکه اونلر جاهل و حیوان منزله سنده در . توصیه نی آلیوردی .

حضرت خایفه ، بو توصیه نك قائل لرندن عمر بن الخطاب : — یا عمر ! بن سندن یاریم بکراکن سن بی کیمسه سز بر اقورسک . جاهلیته جسو و جبار ایدک . مسلمانلرده قورقانی و ضعیفی اولدک ؟ آرتیق وحی که سیلیدی . دین کسب کال ایتدی . دها بن حیانه ایکن نقصان پزیری اولسون ؟ والله العظیم . بر عقلی و برمه به جک اولور لر سه قلیجیمی امله آلیم . دیدی . جناب عمرک :

— مال خصوصنده عربانک خست و طمی واردر . باری بوسنه اولسون صدقه زکاتی آلمدن واز کج . تکلیفنی ده دیکله مدی . کذاک حضرت فاروقک :

— رسول الله (لاله الا الله) ده نیجه قدر مشرکین ایله قتاله مأمورم . بونی سویله دکاری کبی جانلری ، ماللری بندن قورتارمش اولور لر بوپورمشکن قائل توحید اولانلرله سن ناصل حرب ایده جکک ؟ سؤالنه :

— پیغمبر (لاله الا الله) ک حقیقه سویله نیلمه سی شرط قیلما دمی ! اقامت صلات ایله ایته زکات ده کله توحیدک حقندن دکلی ؟ والله العظیم ، پیغمبر زماننده ویردکاری بر عقلی (دیگر بروایت کوره بر عناتی (۱) اعطادن استکفاف ایدر لر سه — بوتون اهل ایمان بی یالکنز بر اقسه بیله بر باشمه — اونلرله چنکله شیرم . دیدی .

خلیفه نك ثبات واصراری اوزه رینه صحابه سائرده (اهل رده) ایله محاربه ایتمه سی موافق کوروب جناب صدیقک اصابت اجتهادی تصدیق ایله دی .

(اهل رده وقابندن ایلمکی)

مرتدلردن بعضاری ، دور جاهلیتک اعاده سی ایچین مدینه منوره نك استیلا سی و اصحاب کرامک استیصالی هوسنده بولونارقی (عبس) و (ذبیان) قبیله لرندن رجاعت (ابرق) (۲) ده بیان موضعه قدر کلدی . (اسد) و (کنانه) دن بر گروهده (ذوالقصة) [۱] موقعنه قوندی . ابرقدن دارالخلافیه مخرجصار کونده روب (نماز) له اکتفا اولونماسی و (زکات) طلبندن

[۰] قالقاسین دیه ده و نك دیزنه باغلا تیلان ایب .

[۱] عناتی : بکی یاروسنک دیشی .

[۲] بی ذبیانک منلندن اولوب (ریژه) جوارنده بولونما بندن (ابرق ریژه) دیه باد اولونوردی . بالاخره اهل اسلامک حیوانل ایچین سرمی اغاذ ایدیلدی .

اسودالمنی (فیروز دلیلی) طرفندن قتل اولوندی [*] رسول اکرم حضرتتاری . بوکا و حباً واقف اولمغه رحلت سنیه لرندن بر کون اول اصحابنه نبشیر ایتدی . جناب صدیقک ابتدای خلافتنده یندن کان خبر ایله ده صدق اخبار نبوی تأیید ایله دی . مسیلمه ایله طلیحه نك احوالندن ایده بحث اولونا جقدر .

§

پیغمبرک ارتحالی و اونی متماعب قبائل عربک ارتدادی زمره اسلامی فنا حالده صاردی . اهل ایمان . باران مصائبین — قیش کیمجه سی یاغمور آلتنده قالمش قوش کبی — پریشان بر حاله دوچار اولدی . مرتدلر ، قسم قسم اولمشردی . کیمی . — محمد ، پیغمبر اولسه بدی اولمزدی ! کیمی : — اونک وفایله نبوت بیتدی . آرتیق باشقه سنه تابع اولما بزا کیمی ده :

— الله ایمان و پیغمبری تصدیق ایدرک نماز قیلارز آما ماللردن زکات نامیله بر شی و برمه یز ! دیوردی . خایفه حضرتتاری ، سوک ادعایه :

— زکات ده نماز کبی فرضدر . پیغمبر زماننده ویردکاری

(۱) اسودالمنی : یمنده (بی مذحج) دن (عنس) اسمنده کی عشیرت افرادندن اولوب حقه باز وشارلاتان بر حریف ایدی . ترینه ایله دیکمی بر آشکه (سجده ایت ۱) ده یینجه حیوان بره یاتار (ترسلا) اسرخی و بریجه کورمه لیرک صاحبک اسرخی برنه که تیریدی .

اولا داخل اسلام اولمشه ده (حجة الوداع) ده ازداد ایدرک پیغمبرک دعوا سنه قالمش و آشکنک سجده سیله کوستردیکمی معجزه الر طولای سیله برچوق حیوان حریفلری نبوته قاندرمشدی . اودرجه دم که کندیته ایمان ایله بن قاریلر ، مهود آشک کورمه سی تبرکاً اوستلرینه ، باشلرینه سوروب ملوث بر حاله کلمک صورتیله نمطرا ایدرلردی .

بو حریف ، باشنه طوبلادی بی کرومک قوتیله (تجران) ده طرف پیغمبریدن والی بولنان (عمرو بن حازم) ی مأموریتندن تبعید ایتدیکمی کبی صنعاده بنه طرف نبویدن والی اولان (شهر بن باذان) ایله قاین بدرخی اعدام ایلمش و (شهر) ک طول فالان زوجیه سی (آزاد) ی جبراً تحت نکاحنه آلمشدی .

بالاخره آراه که عمجه زاده سی (فیروز دلیلی) ایلله قتل ایدیلوب وجود منحوس دنیادن قالدیرلیدی .

سرقوم . اوپورکن زوجیه نك دلالتله فیروز ، یاندینی بره کیرمش وقفا سی که سیلیرکن خیریتلینی ایشیدوب ده (نه اولبور ؟) دییه صوران محافظلرینه آزاد طرفندن (پیغمبر دکلی ؟ وحی کلپور !) جوابی ویراشدی .

بو یالانچی پیغمبرک اسمی (عبهله) لقی (ذوالحمار) اولوب بولتک مهود آشکلر رفافتندن ویرلیدیکی ، یاخود (نقاب) مناسبتنه کن (خمار) ایله کزدیکندن ایله ری کلدیکمی ده سرودر .

جناب فیروز ، کسرای ابرانک یمن والیسی بولنان (باذان) طرفندن مأموراً مدینه به کلش و حضور نبوی ده بالاهندا یمنه عودتده باذان ایله اوغلی (شهر) ک و یمنکی سائر ابرائیرک اسلامته سبب اولمشدی . بوتک اوزرینه باذان جانب رسالتدن یمنه والی عمومی تمین بوپورولش و مشارالیهک وقتنده خطه یمانه متعدد ولایتله آریلوب (شهر بن باذان) ده صنما والیسی نصب اولونمشدی .

سیر الی کمال

حب دنیانک رأس خطایا اولمی .

چیست دنیا از خدا غافل بدن

نی قاش و نقره و فرزند وزن [۱]

بیت شریف مثنوی و جهله واجب تعالی حضرتلرندن
غافل بولغانی موجب اولدیفندندر .

یوخسه بر انسان نفسی رام ایدوبده اموال واثقال
کندی اغفال ایدمزسه ثروت و نعمتک مضرتی کورلمدکدن
بشقه فائده سی مشاهده اولنور اما بوحال هریکیتک کاری دکدر .
جناب پیر افندیز مثنوی شریفده صاحب یسار اولدینی
حاله ینه مائل دنیا اولمی انلری دکز اوزرنده اغزی قیالی بر
دستی به تشبیه ایملارددر . درونی باد حب الهی ایله مالی اولوب
آب میل دنیادن سر بسته اولان کوزه وجود کاملنه دریا قدر
مال ابراث ضرر ایدمز بلکه تکثر ایتدیکه نفی نزاید ایدر .
جناب سرور انبیا علیه اعظم التحایا افندیز حضرتلرینک (نم
المال الصالح للرجل الصالح) [۱] حکمت نبویه لری بزم
تفصیلاتمک اجل اجالیدر . جناب پیر افندیز حضرتلرینک
(وقطع الشوآت) بیورملری ده بونکتی معنیدر اشها و میل
دنیا عللرندن عن قریب قطع طریق ایله ناعوالم زهد و غنای
معنوی به قدم باصملی یعنی دنیانک وجود وعدمی عننده سیان
اولوب اموال واشیایی کندی به خادم بی اعتبار تاقی ایملی
اعتبار ایدرسده (نعمت ربانیدن یه رضای ربانی به صرف ایدم حکم)
نیت حاله سیله ایملی و زوقی حضورینه مانع اوله جق لوازم
بشریمسته صرف ایملی و اخوان دینک ضرورتی بر طرف ایملی
دین و دولته فی سیلای خدمات خیریده بولنلی بوبولده ثروته
مالک اولمق دنیاده نیم ابدی به نائل اولمق دیمکدر .

یوق اگر بویله اولمیوبده کوزه وجودی آب حب دنیا
ایله املا ایدمک اولورسه غریق بحر ضلالت اوله جنی بدیهیدر
اگر خواص بر اخلاصدن بر غواص دستگیر مرحمتی اولمزسه
خسران ابدی به دوچار اوله جنی درکاردر فقط نعمت دنیویه
ایچنده اسراخروی بی اداره ایتک بالاده سویانلیدیکی وجهله غایت
مزدانه بر همه محتاجدر . حتی صعوبت فوق العاده سی جناب
سیدالوصیا افندیز حضرتلری شو بولده تصویر بیورمشدر .
(دنیا ایله آخرت مغرب ایله مشرق کییدر . برینه تقرب ایدر .

[۱] دنیا نهدر . الیهدن غافل اولمدر . بونه قاش ، پاره ، اوغل به
قاری دنیا دکدر .

[۱] مال طاهر رجل پاکدله نه قدر مناسدر .

واز یکیمه سی تکلیف ایتدیلر . طلباری رد و مرخصاری حضور
خاینه بن طرد اولودی .

اسامه اوردو سنک عزیمتدن طولانی مدینه ده قالان اهالی
آزاقدی . کری دون مرخصلر . بلدته طاهره اهلینک قلتی
خبر و ریجه ارباب ارتداد . مدینه به هجوم ایتبه قالفیشدی .
وشهرک یاقینه قدر کلدی .

حال بوکه خلیفه حضرتلری ، بویله برهجومه اوغرائیلاجنی
کتیف ایتش اولدیفندن علی بن ابی طالب ، زبیر بن العوام ،
طلحه بن عبیدالله ، عباد بن مسعود حضرتایله بعض صحابه یی
قاره نکلهمه مأمور ایله مشدی .

مرتذرک ورودی ، قاره قوللر طرفندن اخبار اولوتجه
حضرت خلیفه ، مسجد شریفده بولونان اهل ایمان ایله اوزه لرینه
هجوم ایدمک حربلری (ذی خشب) [۲] وادیسه قدر
قاجیردی . مرتذرک ، اوراده بوصویه کیردیلر . اهل اسلامک
چکمکه اولدینی کوردکاری کی صو طولوماری فی نفسله شیشیروب
اوتبه بری به آندیلر و اپارله چکوب اویناندیلر .

صحابه کرامک بیندیکي دوه لر ، بولاری کوروچه اورکوب
مدینه دوندی . بالطبع مصادمه و مقاتله ده اولمادی . اهل
اسلامک عودتی کورن مرتذرک ، ذوالقصده کی آرقداشلرینه ،
مسلمانلرک عاجز و مدافعه به غیرمقتدر بولونقلرینه خبر کونده روب
طوپلاندقن صو کرا هپ بدن مدینه اوزه رینه یورودیلر . فقط
خلیفه حضرتلری ، بلدته مبارکه اطرافته بر مقدار مدافع تعبیه
ایتش اولدینی جهتله ایجری به کیره مدیلر .

طلوع فجر اثناسنده اهل اسلام ، شهردن چیقوب عمود
صبحی آندیران قیایچلرله مرتذرکی تنکیلر باشلادی . کونشک
ایلک شماعی کوروندیکي صیراده سیوف اسلامک امامنه تحمل
ایدمه یین اهل ارتداد ، ضیای خورشیده باقامایان یاراسه لر کی
اوتبه بری به قاجیشدی .

اسلام مجاهدلری ، ذوالقصه قدر آرقملرندن قووالایوب
برجوغنی که برتدیلر . غلبه کامله طرف اسلامده قالدی . خلیفه
حضرتلری ، برمفرزه ایله (نعمان بن مقرن) ی ذوالقصه به
براقوب سائر اصحاب ایله مدینه به عودت ایتدی .

مابعدی وار

طاهر المولوی

[۱] ربذه طریق اوزرنده و مدینه دن ۱۴ میل اوزاقده واقع
بر موضع .

[۲] مدینه به برکونلک بعد و مسافده بر وادی .